

111 年全國語文競賽客家語讀者劇場文本國中組（詔安腔）

編號 6 號

【好朋友阿湯牯】黃鈺雯原作

記得兩年前正考著中學美術班，單儕對莊下去街市讀書，恁多同學，無一個係熟事个，心肝底真摯心。佢依即拗佢講，佢愛先和人相借問，講事愛細義、愛好禮、毋好計較，自然即會交著好朋友。

這兩年半來，佢交著真多好朋友，大家真好作埕、真相惜！其中頭知己个猶係阿湯牯。單睇佢个外表，頭大大，人矮頓矮頓，面相慧慧个樣，會感覺佢像一個小慧呆。佢真愛打網路電動，不時一賞即賞到毋知晝暗。事實，佢係一個精精个困子，詩書滿腹，恬恬係通學校个第一名。佢識問佢，恁會賞，仰子猶有時間讀書啊？佢講：「心專石穿！佢賞个時務盡量賞，愛流汗，愛得頭腦歇睏一下。毋過提起書，定著愛專心，四輪轉發生麼个事，攞毋使管。畫圖即專心畫，睇歷史毋會去想討讀英文，遊寮毋會想著考試！有影真有效，佢做逐件事情攞變到真有效率！」

佢真佩服佢「手疾好過家，腳疾好繡花」个生活態度，真開化！這即睇出佢真會利用時間和機會，總會想：這個時務會用做麼个事情。可比講，放學時間較慢，赴毋會著車班，別儕攞係怨

遐怨這了時間，佢即恬恬書提出來背，毋會怪天怪地！佢會恁樂觀，即係得佢影響个。

雖然佢字墨真飽，上知天文，下知地理，毋過佢毋會揭屎，總係用「交人交心，沃樹沃根」个誠意對佢，見擺請教佢數學和自然，佢攞會教佢解題个要領，得佢事半功倍，正經係「知得空縫，打得鬼嘍」！頭難得个即係毋驚佢贏過佢。一半擺佢考試拚贏佢个時，佢即會一頭用「十步留一步，毋會師子打師傅」來拗佢講笑，一頭又拗佢會个方法攞傳得佢，正經做著「真師傅，教師子無留半步」。佢兩儕即恁相睭重、相鼓勵，所以成績即足好个。

佢嘛真會挑持創治佢、拗佢焗，逐擺攞講佢「慢牛多屎尿」，又講佢讀書个方法總係「蚊叮牛角」。唉！感覺真得人感！毋過，「人愛人打落，火愛人燒著。」猶係真感謝佢提醒佢、監督佢，做佢人生个鏡。

老儕事講：「良言無嫌少，朋友無嫌多！」佢兩儕知己知彼，攞較了解自家个欠點和優點，知自家毋罅个所在，正會知後下愛打拚个方向在哪位。攞兩個月，即討出業啊，心肝底真毋盼！佢人講好愛顧好各儕个前途，直頭打拚，一定愛完成自家个理想！

111 年全國語文競賽客家語讀者劇場文本國中組（詔安腔）

編號 22 號

【騎鐵馬】林美雲原作

「會跌倒！會跌倒！」事即言講煞，「砰」一聲，人和車即橫倒在路脣，跋毋會起來，坐在泥下。摸腳膝頭，睺著血直直流出來，大聲嘍：「足疾个！足疾个！」阿怙、阿依聽著，攔緊對屋內走出來，睺佢鬥底發生麼个大事情。

成過因為愛讀國中，學校又離屋下較遠，假使講係用行个愛一、二十分鐘。所以，無法度，一定愛學會騎鐵馬，讀書正會赴。

因為即係恁，小學出業遐個歇熱，為著愛較緊學會騎鐵馬，逐日晨早天盲光、雞盲啼，和阿怙即牽鐵馬，去到屋前个路脣練習。阿怙在後背扶鐵馬得佢慢慢騎。毋過，毋知係毋係第一擺騎个關係，猶抓無總頭，腳正蹬起去，臉身即歪一裡，偏來偏去，猶盲騎著即跌落來啊！實在真失志。

佢毋甘願，一擺一擺攔試睺望！共款猶係無改變，練到心情真壞、真無好，心肝內無想討練啊。阿怙睺佢恁艱難、恁失望，搭佢肩頭，安慰佢講：「毋驚事難，頭驚人懶。佢相信你定著做會到，加油哦！」即係聽著阿怙得佢个鼓勵，猶有想著阿怙逐日

恁早陪佢練習个辛苦，一時目汁含蹠、牙根咬个，煞著認真練習，希望會用較緊做好人生第一件大事。

過一禮拜外無日無夜个練習，總算上天不負苦心人，「耶！」正經得佢拚上崎，學會騎鐵馬啊！正經係「有心打石石成磚，無心打井井無泉」，實在證明總愛你認真，有耐心，堅持落去，成功一定係你个。

到位開學遐日，佢打早餐飽，即牽鐵馬騎去學校。歸路佢著面唱歌著面欣賞路上靚靚个風景，心情實在真快活、真歡喜。有時務若堵著同學，猶會和同學大討比賽一下，睺望麼儕先騎到學校。恁个日子實在真快活！

雖然這滿駛車有較多，毋過，逐擺睺著路上个人騎鐵馬，即會想著遐時認真蹬鐵馬愛嘍个「妹子鬼」，嘛會想起練騎鐵馬个經過，現時想起來正經係自家少年時務頭歡喜、頭福氣个一段美好回憶。

111 年全國語文競賽客家語讀者劇場文本國中組（詔安腔）

編號 32 號

【過年】李秉璋原作

過年啊！過年啊哦！細子在暢過年，大人嘅在擘心過年。記得做細子個時，過年前，阿依即愛真無閒。愛糴糯米做甜版、菜頭版、紅龜版、菜包版。和偈嘛愛去穀倉畀米，拗歸粒米缸裝到滄滄，到時務貼一張「滿」個春聯。阿依一有時間即愛網草網，拗灶前積滿草網和好樵疊到屋嶼。到時討炊版正有耐火個好樵好燻。細子人嘛無法度閒，愛鬥拚掃，擎一支長棍子，緝一拿禾稈，做一支長長個掃把，拗屋嶼個螞蟻網掃掃落來，抑係拗被、榻榻米搬到坪中央炙日頭，拗屋下內底做一下大拚掃。

毋過得偈頭探長長在等個，係做紅龜版和菜包版。屋下後背有石磨和大粒個春臼，到時會有真多人扛浸好個糯米來這用石磨挨版。睭大人企在遐，腳骨一前一後，屈好姿勢，雙手用一支鐵柄拗石磨搥到直直迴起來，另外一個人若像係功夫高手，用大支湯匙，拗摻水個糯米，捉準時機，閃開鐵柄，漕落石磨面上遐個漏米空。這時即會睭著米漿對石磨嘴流落來。另外一兜人在遐用大支春槌拗煮熟個紅豆抑係炒好個地豆春做豆餡，即像大力士共款，拗春槌擎到高高，大力春落去，歸大陣人在遐無閒挾掣，實

在全然鬧熱。

接落來，拗歸袋個米漿用石頭砵做版了後，透早四點外即愛起來擱版，先提一坭版，炊得佢熟了後，園落擦好版個內底，摻一兜紅番米，拗版擱做一圖，軟柔軟柔，即會用捏起來包餡做紅龜版、菜包版啊。做好個版園在版葉樹個樹葉抑係月桃葉，用版印拗龜印在面上，了後用剪刀拗葉修剪得佢靚，即會用園落大鑊炊版啊。在灶頭脣點一支香來節時間，等遐支香燒過，即有得人睭著會流口涎水個版好食啊！

年三十遐日，開甜版、菜頭版砵神明桌。矩桌面上嘛愛園酥仁、年柑和插春花。灶前嘛園一盤甜個軟糖拜灶神，希望灶神食甜甜上天嶼會講好事。這日真多出外個人著到萋萋，轉來屋下團圓，這時務莊下滿哪位攏係人。半夜十一點正過，即聽著炮聲，即係過年啊。初一打早歸屋下人即渡去拜媽祖、拜伯公，去親戚遐行春，大家心頭歡喜來過年！

【阿依个事】江秀鳳原作

猶細漢个時務，佢算係真牛犛¹个妹子。大人講麼个「細子人有耳無嘴」、「用手指頭比月光會得月光割耳子」，這兜事在佢心肝底，正係大人惑細子个把戲。

講著佢依，實在有影好性地，毋會念遐念這，毋會生事，嘛毋會講人个長短，佢總係拗討講个事寫在心肝底。自佢知天地起，阿依正知擱麵粉做雞卵糕、做「胖²」得佢食，恁拗佢供到大。佢拗討拗佢講个事包到紅豆、芋卵抑係地豆內底。「紅豆」係討拗佢交代，出去外頭，萬件事情愛細義，過車路愛睺青紅燈；「芋卵」討拗佢吩咐，今日會落雨，愛記得隨雨傘；「地豆」代表佢這擺考試考無好，阿依暗示佢愛加用一兜時間讀書，吸收有用个知識做肥底，有滋養个土地，正會生出一粒一粒圓滿飽米个地豆仁。

佢依做个「胖」好食又撈腹³，排在店頭，得人睺到流口涎；行入店內，鼻著香醇醇个氣味，食肚即會直頭咕咕嘍。買「胖」止柶、做點心嘛真合味。「俗胖⁴」一條長長長，會用得歸屋下人

食早頓；「肉鬆胖⁵」鹹香啊鹹香，外皮酥酥，內底有一兜仔韌，食到會知臊，猶想討擱加食一埕。

猶記得八月半進前，阿依做月餅做到歸夜無睡，天光無睡猶擱愛煮飯洗衫，順續顧店。佢睺阿依無閒挾掣到玲琅楚，無時間好管佢，即和朋友出去寮到毋知好轉。天討光个時務，佢跟腳尾，毋敢開電火，偷偷躡入門。好定泥睺著阿依坐在店中央，兩個目珠框烏烏，即像係掛一副烏目鏡个樣，目珠無神無神，像硬硬討么去个電火球。阿依睺著佢轉來，跔來問佢去哪位，佢老實承認自家和朋友去電動間打電動，打到毋知時間，賞到恁暗，得阿依擘心，真失禮。遐暗，阿依和普通時共款無罵佢，佢用雙手擋目珠，睺起來真恁个形，喊佢較緊去睡，等下猶愛去學校讀書。

遐日下課轉來，阿依做一粒番薯包个「胖」，提得佢食，佢講：「恁屋下雖然散，手腳又少，嘛愛像番薯共款恁有志氣，擊到哪位都有法度企起來。認真讀書正有出脫，毋好得人睺毋會起。你今日愛記得這粒番薯『胖』內底个意義，你都恁大漢啊，自家愛會想，毋好擱得佢擘心。」

自遐擺過後，佢即毋識擱食過番薯包个「胖」，毋過，佢攏毋敢添放阿依个教治。阿依个事總係園在「胖」內底，一句一句分明分明；一字一字清清楚楚，聲聲句句即喊佢愛做一個有路用个人。

¹ 牛犛：音 ngiu` ge`；頑皮。

² 胖：音 pang`；西點麵包。

³ 撈腹：音 zad` bu`；密實、紮實的樣子。

⁴ 俗胖：音 siog pang`；吐司麵包。

⁵ 肉鬆胖：音 ngiu` fu` pang`；肉鬆麵包。

111 年全國語文競賽客家語讀者劇場文本國中組（詔安腔）

編號 53 號

【萬丈高樓對地起】徐敏莉原作

真多人捷捷會去欣羨別儕，睇人上臺領獎，滿面笑面；睇人著博士、開中門，光宗耀祖，真風光个樣。毋過，又有幾多人會去想，萬丈高樓對地起，遐兜成就毋係一時一刻得來个，遐係一點一涿寬寬累積起來个！

舊年歇熱，偈和屋下人去臺北寮，去到偈臺灣頭高个大樓——101 大樓。企在下腳，愛頭臥臥正睇會著盡尾棧，真多觀光客攏睇到嘖嘖嘖¹，真佩服這個偉大个工程。毋過，偈心肝底想：討起恁高个大樓，逐坵磚、逐坵瓦定著攏愛照實疊；打地基嘛愛搵底，恁這棟恁高个大樓正會真勇，毋驚大風、地動。偈人人生打拚个過程，嘛共款係恁。大家正睇王建民、林書豪在美國打球恁出風頭，收入恁高，得著大家个安嘍，受著大家个歡迎！毋過，佢人自細認真打拚个過程，猶較係偈人愛來學習个。直頭練球、擊球，一日擱一日、一年又一年，無歇睏，正有今日个好名聲。所以，毋管係學問、抑係手藝，猶係講財富，攏愛用時間、用心力去累積，因為遐定著毋會對天嶮跌落來。無讀高中，仰子有法

度讀大學；無讀大學，討仰子擱讀碩士、博士？無一個銀，仰子會有一百個銀；無一百個銀，又仰子會有萬貫家財咧？

客人老儕事講「七十正來學歎笛，學到會來鬚嘛白。」偈係學生，人生个路猶真長，愛趁少年好好來打拚。基礎打在，後次擺正會有好个發展來為國家社會服務！萬丈高樓對地起，根深毋驚風來搖。現時在學校讀書，偈人即千萬毋好懶尸，抑係講想討打卵見黃，愛一步一腳印，正有法度行到成功个終點。

毋驚路長，正驚志短，愛知「萬丈高樓對地起」。對這滿起，大膽个行出第一步，毋管堵著麼个困難，偈人攏愛堅持到尾，毋好放煞，恁，做麼个事情即一定會圓滿順序。

¹ 嘖嘖嘖：音 zid` zid` bui^；表讚嘆聲。

111 年全國語文競賽客家語讀者劇場文本國中組（詔安腔）

編號 55 號

【跋山】胡淑莉原作

佢怙、佢依攞喊佢懶尸嬲，因為逐回歇暎日，佢攞愛睡到日頭炙屎朏，當晝正跋起來食飯！年假遐暎子，食飽奈、奈飽食，嘎加肥兩、三公斤，愛靚个佢，緊尋佢依參詳。「愛仰子！愛仰子！」佢依講：「恁即來去跋山啊！」

第二日打早，佢依即喊大家起來，講討去跋仙山！仙山雖然有大型歇車場，毋過，今堵著年假，滿哪位攞係車和跋山个人，討尋一個車位即無恁快。聽講仙山个山嶼有仙泉水會用醫百病，所以無論遠近，來這求仙水个人真多！佢人嘛討去求仙水，一口仙水淋落去，「啊！透心涼，攞有精神啊！」跔大家對靈洞宮入口跋起去，彎彎幹幹个路，歸路脣逐種色地个花草相爭開，順風搖啊搖，頭那頓啊頓，真像在遐跳舞歡迎佢人；大樹嶼个鳥子啾啾¹、山泉水隆隆¹，真像在遐唱歡迎歌。歸片个桂竹企一排排，像在遐比麼儕較高、麼儕較直。

跋一暎子，日頭越來越猛，歸路雖然係竹林、油桐樹、相思

樹、欒木樹葉遮天，毋過實在係熱到佇毋會核²。衫一領一領脫，水一口一口灌，腳步越來越重，腳骨越來越痠，逐儕跋到大氣接小氣³，即討跋毋會停動啊啦！佢依講：「歇一下！等下正攞跋！」歇暎个時，佢睜著有个爺母攙阿佻、牽細子跋山，佢想：恁拖拖趔趔，愛仰子跋咧？又睜著真多阿公、阿婆擎杖子在跋山，睜佢人流汗涔涔，面紅紅，毋過精神真好！佢感覺真歹勢，少年人嘎輸老儕，攞緊跋起來攞行落！好定泥聽著「啊！啊！」个聲，佢擎頭睜，幾時係大隻鷓鴣在天嶼惹來惹去。佢想：佢這擺毋知係相著麼个來食啊？佢睜起來真風神、真雞肱！

「哇！」無注意即到位山嶼啊！睜過去，田、溪、屋下歸下在佢个腳下！佢想著一首唐詩——「白日依山盡，黃河入海流；欲窮千里目，更上一層樓！」幾時在高高个所在睜落下腳，係恁个感受！登高遠望，風景真靚，花草迎風，搖啊搖！自家即像在天園天堂共款。

跋山有真多好空：一來運動會用減肥，增強氣力；二來遊奈大開目界，欣賞大自然个美景。所以，佢鼓勵大家有閒即愛捷捷去跋山，接近大自然。這滿佢嘛恰意跋山啊，特別係和屋下人共下跋，感覺真福氣！睜風景以外，猶會用作埤講事，相分享生活个心得，一兼兩顧，希望大家攞來跋山。

¹ 啾啾：音 ziu` ziu` bui`；狀聲詞，形容鳥叫聲。

² 佇毋會核：音 du` m` bboi hed`；指身體或心理不能負荷或承受。

³ 大氣接小氣：音 tai ki` zia` sio` ki`；上氣不接下氣的樣子。

111 年全國語文競賽客家語讀者劇場文本國中組（詔安腔）

編號 57 號

【 戽水捉魚 】 郭亭好原作

阿宏哥自一溜即係莊底个細子頭王，毋管係捉蛇釣蚶子、戽水捉魚抑係起窯焯番薯、射鳥、灌土狗，麼个齣頭佢攞會曉變，佢人這兜細子，歸下攞真愛跔著佢滿山滿坪滿哪位走、滿哪位奈。

有一年堵著考旱，莊尾遐條溪水硬硬討燥去啊，阿宏哥即招佢人共下去溪底戽水捉魚，大家聽著攞有好賞个，暢到拄毋會核，攞緊轉去屋下款傢伙頭，有个人提錫桶、面盆，有个人提瓠杓¹和撈，阿宏哥自家擎一支大支鉛筆²，歸陣細子即攞著傢伙磬磬核核³行對溪底去。

一到位溪底，阿宏哥即用大支鉛筆耬出一條水路，拗水引走即開始耬水窟，水窟耬好啊大家即提著面盆、瓠杓，拗窟底个水戽出去；阿明毋知挑持抑係無堵好，一面盆个水戽出去，嘎戽著行對佢面頭前過个阿傑，害佢歸身溼漉漉連目珠都擘毋會開，阿

傑氣壞壞搭著拳頭嫻想討去舂⁴阿明，阿宏哥睜著即攞緊行佷拗阿傑揪開，講阿明毋係挑持个莫氣啦！攞喊阿明拗阿傑回失禮；阿明真有誠意頭那直直頓直直回失禮，阿傑即無恁氣啊，應講：「好啦！無要緊啦！這滿天氣恁熱，按嘛較涼啦！」即按，大家又攞嘻嘻嘩嘩歡喜戽水啊。

天曠个日頭恁箭日，逐儕攞流汗答滴，等水戽燥个時睜著直奮直跳个山鱧、石貼、溪哥、石斑、蝦這兜，大家攞暢壞壞！阿旺較細漢，猶毋識戽水捉魚過，這攞得佢睜著有恁多魚、蝦好捉，暢到直直喊直直跳，無堵好嘎去蹬著有青苔个石頭，跌到四腳翹天，連褲底都濕去，原本佢歡喜到吱吱啡，這下嘎嚟到嘛嘛啡，大家睜著嘛做一下笑到嘻嘻啡，喊佢愛較細義兜。

大家圍佷來七手八腳開始捉魚、揜蝦。蝦大討會藏在石頭下，佢人即著面搨石頭著面捉；若猶有戽無躁个細水窟，即愛用撈去撈魚，毋過上游个水攞會直直流落來，大家著面捉魚猶愛著面戽水，即按大家賞到歡喜得天無想討轉。

討暗啊！阿宏哥喊大家拗物件收收个，攞拗今日總捉著个魚和蝦平分得大家，有好賞攞有好提，逐儕做一下攞真暢，直直講天光猶討攞來。恁多年過去啊！到今佢猶記得細漢時个遐條溪，和共下戽水捉魚个細子伴。

¹ 瓠杓：音 pu` shoo；用老熟的葫蘆瓜對半剖開做成的勺子，可用來舀取水酒等物。

² 鉛筆：音 rhen` bid'；圓鍬。

³ 磬磬核核：音 kin` kin` kainn` kainn`；東西碰撞的聲音。

⁴ 舂：音 zhung`；握緊拳頭揍人的樣子。

111 年全國語文競賽客家語讀者劇場文本國中組（詔安腔）

編號 68 號

【鳳凰花開】李幸妃原作

落雨過後个空氣，鼻起來帶有淡淡个香味；運動坪脣个圍牆下，遠遠睺過去，像鋪一條紅色个花布巾共款。雲散天清，日頭光照在遐頭正洗過臉身个鳳凰樹，有青有紅全然靚。軟柔个風款款吹過來，得人感覺著清涼快活。目前个景象像一幅圖，錫佢款款行俛，企在遐，一下嘎睺到入魂去啊，好定泥頭那底從出真多畫面，一幕一幕渡佢轉到成過。

遐時正入來學校讀書，單純擱天真，哪會知鳳凰花開有麼个意義。想講這種柑紅色个花真靚，等到歸樹極个花開到紅激激个時，即係阿哥、阿姊佢人討出業，討離開現時个學習階段，啊佢即會用升一個年級，心肝底有个單單係歡喜定。猶有，鳳凰花當在開个時，下課了後遐擱係佢人尋寶个好所在。大家約好，樹下滿仔位去檢大細皮个花瓣¹、花芯，提轉去鬥鬥个，排好一隻隻靚膩膩个蝶，正擱小心細義拗佢夾在課本个內頁，過幾下日，等佢燥去了後，提出來做自家正有个，遐有一無二个鳳凰花書籤。遐逐張書籤，攞有自家當時特有个創意作法，係提來和好朋友、妹

子伴相換个好禮物！

鳳凰木丁丁个豆莢，若像一支大彎刀高掛在樹竦，在佢由青色轉做烏色，必做兩裡跌落來个時，大家攞會相爭去檢跌在泥下个這兜「大刀」，了後學人做戲，你劇佢擋；一半下會拗佢插在褲袋，無即擊在手底，三、五個共下行過來行過去个形，毋會輸遐電視內底个大俠哦，即按歸陣細子絞伴賞到毋知天地、暢壞壞。有這兜天然个燥花和像大使用个彎刀好賞，不知不覺拗這個充滿離別味素个熱天添放了了去啊。

熟事个音樂聲拗佢揪轉來現實个世界。係啊！聽著樹竦个蟬，大嫲聲唱出……知啊、知啊，睺著同學像鳥籠底个鳥，跳上跳落，不時嘖嘖喳喳、遐款想討較緊飛出去个心情，攞寫在面面上，遐頭開滄柑紅色个鳳凰木，跔風搖啊搖，直頭在提醒佢……分別个日佢啊、佢啊哦！佢在心肝底拗鳳凰花講再見，擱加企一下子，佢知：過去个，即過去啊；現時會用把扼个，定著會擦經！鳳凰花開啊，敢有人會想起學校个點點涿涿、一草一木，啊擱有先生个聲音咧？佢會！

¹ 花瓣：音 fa^ˇ peen。

111 年全國語文競賽客家語讀者劇場文本國中組（詔安腔）

編號 69 號

【遐條大崎】黃美貞原作

蹣在伙房屋个人家，出出入入定著愛經過大崎，成過在遐跡位有種一大片个相思樹，所以大崎又號做「相思坪」。對細子來講，出門讀書愛跋崎即真艱難，毋過日總係愛過，相思坪嘛變做大家生活个一部分，佢頭記得个即係和阿雪落崎，無擋仔个事故。

上屋个阿雪大佢三歲，讀五年遐下，即自家騎鐵馬去讀書，跋崎个時，企起來拚勢箭，箭毋會贏正甘願落來用牽个，書包圍在頭前个籃內底，睭起來真風神，遐時，細子伴攏真欣羨佢。有一擺，佢在大崎堵著阿雪，佢講：「佢載你落崎討無？」佢想著阿依个叮嚀，心內唉唉唧唧¹，即講：「毋使毋使，佢自家行轉去即好啊。」阿雪信心滿滿講：「佢逐日攏溜啊轉，緊攔快，啊攔擋線正換新个，擘心麼个？」佢用手試擦睭望，車黏時擋恬，睭起來真妥當，想講試一擺即好，阿依毋會知个啦！

跋上車，在崎嶇睭落去，阿依哦！腳底撓撓，雞嫫皮直直起，阿雪講：「你會驚係無？」佢毋認輸應佢：「有麼个好

驚？」其實佢驚到討死攔毋敢講。阿雪吩咐佢捍好勢，佢兩支手揪著阿雪个衫，兩粒目珠眨到密密，車順順仔溜落去，聽著唧唧个擋仔聲，心肝加真定妥，按算等一下即到位啊。無想著，溜到半崎个時，擋仔嘎恬去，這時，阿雪放聲喝：「無擋子啊！這擺即死無命啊！」佢毋知愛仰子正好，只好跔阿雪直直喝。

砰一聲！車對對碰著一蕪笏竹，佢目珠擘金來，睭著阿雪倒在竹頭下，企毋會起來，直直唸直直唉：「足疾！足疾」佢摸一下溼溼个鼻空，手婆攏係血，原來係流鼻血啊，佳載手腳猶會用停動。佢款款跋起來，顧毋得歸鼻空个血，一路行轉去伙房屋尋人，好佳載阿泉叔兩子爺堵好轉屋下，奧多拜正擋恬，擎起廳下个藤椅，跋腳即去拗阿雪扛轉屋下，攔緊打電話請莊頭个魏先生來睭診。阿雪嘛真好運，單單手腳鑪溜皮定，毋過可能係驚著啊，暗頭直直起狂²，毋會食毋會睡，厥媽猶渡佢去陂塘下恩主公收驚。

遐條落崎逞英雄个回憶，久久想起來，心肝底猶會掣一下，雞嫫皮攔擎起來。

¹ 唉唉唧唧：音 ai` ai` zib` zib`；哀聲嘆氣的樣子。

² 起狂：音 ki` kong`；失去理性，舉止狂烈、異常。

111 年全國語文競賽客家語讀者劇場文本國中組（詔安腔）

編號 79 號

【學泅水】徐姿華原作

佢自一溜真驚水，小學一年個時，先生鼓勵大家學泅水，講泅水係真好個運動，膺身脣個好同學做下學會曉泅水啊，逞強個佢毋願輸人，轉去屋下直亂阿依講討去學泅水。趁暑假，阿依拗佢尋著一間溫水個泅水池，猶問著名聲真好個教練來教佢，攞買一身靚靚個連身泅水衫得佢，鼓勵佢勇敢學泅水。

第一擺去到泅水池，又驚又愛。做好體操，教練渡佢和另外四個學生練習藏水覓、學換氣；教練拗佢人一個一個攙落泅水池，佢人乖乖聽教練指示，拗頭那藏入水底，佢驚到拚命揪核泅水池脣、腳踇踇毋敢沾著水、唉天唉地、嘍到目汁和鼻流流，像得人苦毒到真慘個樣；脣頭個人做下著面脛佢著面笑，教練直直拐佢，佢猶係嘍到無聲、毋肯落水，即無法度啊正請阿依拗佢渡轉去。

遐暗夜，阿怙好聲好氣鼓勵佢繼續去學泅水；阿依即唉唉唧唧感嘆：若毋去上課即會白白了學費，無通退；阿哥嘛分享自家學泅水個經驗，猶提出佢頭寶惜個摔講討做佢學會曉泅水個獎品。在大家個鼓勵之下，佢答應第二日討攞去上泅水課。

第二日晨早，阿依討載佢去上泅水課，催啊催佢猶係罔唉罔唉、拖拖趑趑毋肯停動。上課時間硬硬討毋會赴啊，阿依起性地擎出雞毛筴¹討修理佢，佢感覺真委屈，又驚阿依拓又驚愛落水泅水，即嘍到大嫲聲，歸條巷攞聽到清清楚楚。屋邊過來關心，知佢係驚泅水正嘍到大嫲聲，做下忍著笑鼓勵佢。即恁，遐站時間，晨早時頭巷頭巷尾若係聽著佢又嘍到唉唉嘍，即知遐日佢又愛去上泅水課啊。

經過三個禮拜個練習，泅水課個同學一批一批學會曉走啊，同學換了攞換，佢猶係手和腳配合毋會著，手記得划水啊腳又添放踢水，實在無奈何。有一日，佢自家練習，手和腳嘎配合會著啊，泅有五公尺恁遠，心肝底實在真歡喜啦！佢繼續練習，越來越熟手，手腳越來越省力，膺身嘛越來越輕鬆，第一擺感受著泅水個心色。

感謝遐時，屋下人支持嘛鼓勵驚水個佢面對自家個困難去學泅水，得佢有機會去克服自家軟弱個所在，這滿個佢，毋單會曉泅水，嘛會有信心迎接人生個各種挑戰。

¹ 雞毛筴：音 ge^ˇ hm^ˇ cing^ˆ；雞毛撻子。

111 年全國語文競賽客家語讀者劇場文本國中組（詔安腔）

編號 82 號

【路燈著啊】林伯殷原作

討暗，天猶真光，屋脣个路燈即著啊，若係無睺較真兜，起頭下猶正經毋知路燈已經著啊，一直愛等到天轉暗，路燈个火正會越來越光，正確確實實知自家屋脣个路燈著啊！在暗夜時頭，這支路燈拗佢屋脣个大路照到光光，拗出出入入个人車照到清清楚楚。逐日食暗頓過後，屋邊會企在路燈下答嘴鼓，共下等垃圾車來；熱天个時務，屋下底較熱，路燈下自然即變成奈涼、散步个所在，等到寒天時，路燈又變成一葩光明燈，像拗佢講，睺著佢，燒暖个屋下即到位啊！

討俚天光，路燈即開始慢慢行落戲棚，天變到越光，路燈火即越睺毋會著，頭尾，連幾時么去个嘛無人知。路燈嶄然知進退，攏毋會去和日頭搶光¹，在日時頭，路燈即在遐恬恬等，等夜時頭來个時會用好好發揮一下。

烏昏啊，路燈準時來上棚²！拗負責个所在照到光光光，時間一久啊，人嘎得路燈容壞，添放佢逐暗夜攏恁認分、恁認真，一

¹ 搶光：音 ciong^ˆ gong^ˇ；爭著出風頭。

² 上棚：音 shong^ˇ pang^ˋ；上場了。

直愛到有一夜，發現原本遐光光个所在猶暗暗，正會知路燈幾時有恁好。想起佢个舊屋，暗夜時屋脣歸片暗摸摸³，若係無擎火⁴，根本即行無路，毋使想討出半步門，毋過，即算有擎火行路，遐細粒電火球⁵發出弱弱个光照著路，驚頭那岫有蜘蛛網，照著頭那岫來，又驚蛇隨時會對路脣鑽出來，毋管自家仰子小心細義，心肝頭猶係會驚驚險險⁶，仰子比會過這下个路燈火，得人恁安心、恁自在！

一支路燈，照光个所在真有限，毋過，路燈若係一支一支連起來，遐即會用照光一個莊頭、一條街路、一座都市。路燈毋單照光一個所在，嘛減少日和夜个爭差⁷，改變人个生活。都市內个公園，夜時頭猶有人練氣功、跳舞和運動，大路嘛猶有人行路和騎鐵馬，若係無路燈，敢有可能？

暗啊！路燈又著啊！佢知路燈會拗真多暗暗个所在照到光光，得人利便起落、得人會用安心，佢嘛知有真多人和路燈共樣，恬恬在遐照亮佢人个社會。

³ 暗摸摸：音 am^ˆ mia^ˇ mia^ˇ；天色或環境暗得看不見的樣子，形容一片漆黑。

⁴ 擎火：音 kia^ˋ foo^ˆ；拿著手電筒。

⁵ 電火球：音 teen foo^ˆ kiu^ˋ；燈泡。

⁶ 驚驚險險：音 giang^ˇ giang^ˇ hiam^ˆ hiam^ˆ；感到驚險可怕的样子。

⁷ 爭差：音：zen^ˇ ca^ˇ；差別。